

Date – 16/10/2025

Time - 7:30 -7:40 Hrs

AKASHVANI AIZAWL

## REGIONAL NEWS BULLETIN

### HEADLINES (MORNING)

1. Mamit Dist chhuntu kawngpui thawmthat hna chu vawiin atangin chak zawka thawh a ni dawn tih PWD Engineer in Chief, Pu H. Zoramliana chuan a sawi
2. Mizoram State Rural Livelihoods Mission (MzSRLM) leh Chhimphei Women Poultry Producer Company Limited (CWPCCL) te'n ZoMeat MoU an ziah pui..
3. Prime Minister Narendra Modia chuan vawiinah Andhra Pradesh a tlawh dawn.
4. IUCN World Conservation Congress chu nimin khan Abu Dhabi-ah zawh fel a ni.

<><><>

### MAMIT ROADS

Mamit Dist chhuntu kawngpui thawmthat hna chu vawiin atangin chak zawka thawh a ni dawn tih PWD Engineer in Chief, Pu H. Zoramliana chuan a sawi

Nizan khan Mamit-ah All NGO, Commercial Vehicle Owner Association te leh PWD thuneitute chu District Bawrh sap Pu K.Laltlawmlova hovin an thukhawm a, Thutkhawmah hian All NGO hruaitute leh Commercial Vehicle Owners Association hruaitute chuan kawngpui chhiat avangin Mamit ah petrol leh diesel a awm loh thute, damlohna vanga hmunpui zawk pan ngaite tan harsatna nasa tak a thlen thu an tarlang a, tun dinhmunah blacktop mam han beisei theih ni lo mahse a theih ang ang a siam erawh an phut an ti a, tuna an kawng dinhmun chu a chhiat em avangin, kawngpui dan avanga mipuite harsatna tawh tur pawh ngaipawimawh theilo a, dan chah tum an nih thu an sawi a.

PWD Engineer in Chief, Pu H. Zoramliana chuan National Highway kawngah Mizoram PWD te'n thuneihna pum hlum an neiloh thu sawiin mipuiin harsatna nasa tak an tawk tih a hriatpui thu a sawi a, kawngpui hial dan tum a ni chu a hriatthiam pui thu leh tihawm tak pawh a nih thu a sawi a, chak zawka hmalak a ni dawn a ni a ti.

NH 44A kawng maintain nan cheng vbc 11 hmuh a ni a, kawng hlui maintain na tur pawisa pawh hmuh a nih thu leh NH 44A kawng siamna tur ccheng vbc 170 pawh sanction fel ni tawhin, Sawrkar Laipuah chak zawka kalpui a nih theihna turin nawr mek zel a nih thu a sawi a. E in C chuan mipui tana harsatna siam lo a, kawngpui dan chu titawp a hmalakna ngaichang turin a ngen a, kawngpui thawmthat hna thawh a nih chhung hian ruahmanna tha zawk siam chungin PWD thuneitute CE, SE leh EE te'n kartin tlawh tura ruahmanna pawh siam a nih dawn thu a sawi bawk.

**Pu H.Zoramliana chuan kan ramchhunga National Highway kawngte thawmthat leh siamthat hna thawhna turin Sawrkar Laipuih theihtawpa Mizoram Sawrkarin hma a lak thu leh a nawr reng thu a sawi ani.**

**All NGO Mamit leh Commercial Vehicle Association, Mamit chuan Mamit kawngpui chu a chhiat em avang leh sawrkarin an ngaihthah ni a sawiin waviin atangin Mamit panna kawngpui tiamchin awm lova dan an tum a .**

**<><><>**

**SAITUAL DISHA**

**Saitual District Development Co-ordination and Monitoring Committee (DISHA) chu an Chairman, Pu Richard Vanlalhmangaiha, Lok Sabha MP kaihhrainain nimin khan Saitual DC Conference Hallah an thukhawm a, Rural Development Minister, Tawi East Block bialtu MLA ni baw, Prof. Lalnilawma'n a telpui baw a ni. He hunah hian Sawrkar laipui (Centrally Sponsored Scheme) kalpuitu Department 12 te chuan an hmalakna te an tarlang a, hmachhawp an neih te an sawiho nghal a ni.**

**MP Pu Richard Vanlalhmangaiha chuan Sawrkar laipuiin India hmasawn nan scheme hrang hrang duangin theih tawpin tan a la a, a hlawhtlinna tur atan DISHA kaltrangin hmalakna te chu vilzui reng thin a ni, a ti. Sawrkar laipui scheme te chu mipuite chawikan nan leh ram hmasawn nan a pawimawh hle a ni tih sawiin, heng scheme kalpuitu department hotute chu theih tawp chhuah theuh turin a sawm nghal a ni.**

**He thutkhawmah hian Rural development, PHE, Education & Samagra, Agiculture, Horticulture, Social Welfare, Chief Medical Officer, Lead District Manager, UD&PA, Commerce & Industries, PWD, Supplies, CDPO ten an office kaltranga scheme leh programme an kalpuite chipchiar takin an sawifiah a. Hmalakna an kalpui dan te, hmachhawp an neih te leh scheme hrang hranga hlawhtlinna an lo neih tawh te an tarlang a ni.**

**<><><>**

**DTO OFFICE**

**Transport Minister Pu Vanlalhlana nimin khan District Transport Office, Saituala mi chu a hawng.**

**Pu Vanlalhlana chuan thusawiin, a hun taka lirthei chhiah pek te, pollution certificate endik te, danin a phal bungrua phurh te ngun zawk leh uluk zawkin thawktuten an vil thei tawh dawn a, heng hna thawh kawngah hian thawktuten pawhin tha taka hna an thawh theih nan mipuiin thawktute thu an zawm a, an tanpui a pawimawh em em a ni, a ti a. Mipui ten chhiah an pek chu mipuite hnenah a kir leh dawn a, chhiah an pek hnem poh leh mipuia lo let tur a tam tihna a ni a ti.**

**DTO office thar hawn chuan district chhungah hmasawanna thar a thlen a beisei a, thawktute pawh thahnemngai taka thawk turin a chah tih a sawi a ni.**

**Kan corr report lo ngaithla ang.**

***Saitual District Transport Office hawanna inkhawmah hian bialtu MLA Rural Development Minister Prof. Lalnilawma leh Lok Sabha MP te pawh an tel***

*a, Pu Lalnilawma chuan Campaign laia an au hla Saitual DTO office pawh a tel a, an sawi ang ngeiin vawiinah a hlawhtlina an hmu a, mipui leh thawktute thawhhona tha tak neih zui ni se a ti a ni.*

*MP Pu Richard Vanlalmangaiha pawhin thusawiin, hmasawna duh ang zawng zawng chu vawi leh khatah tih vek theih a ni lo a, Saitual District bakah District dangte tihchangtlun lamah hma lak chhoh zel a ni a, department la awm lo te pawh dah a nih zel theih nan hma an la zel dawn a ni, a ti bawk.*

*Transport Minister Pu Vanlalhlana hian thawlehni khan Khawzawl District tana District Transport Office, Darngawn Veng, Khawzawla mi chu a lo hawng tawh a ni.*

<><><>

ZOMEAT MOU

*Mizoram State Rural Livelihoods Mission (MzSRLM) leh Chhimphei Women Poultry Producer Company Limited (CWPCCL) te'n ZoMeat MoU an ziah pui.*

*Mizoram State Rural Livelihoods Mission (MzSRLM), Chhimphei Women Poultry Producer Company Limited (CWPCCL) leh ZoMeat te chuan nimin khan an pathum inkar atana tripartite Memorandum of Understanding (MoU) chu Commissioner & Secretary, RD & Administration Department pisaah an ziak a, He thawhhona thuthlung hian a tum ber chu ar vulhtute-Chhimphei Women Poultry Producer Company Limited leh Mizoram a sa sawngbawlina changtlung taka din thar- ZoMeat inkarah thawhhona nghet leh rintlak tak siam a ni. He thawhhona hmang hian CWPCCL hnuaiia nu ho ar vulh a eizawng te'n hralhna mumal tak an neih a, arsa hmanga eizawnaah insumdawn tawna tha tak din a nih theih nan a ni.*

**Kan corr report lo ngai thla ang.**

VC

*MzSRLM), Chhimphei Women Poultry Producer Company Limited (CWPCCL) leh ZoMeat Inremna ah hian CWPCCL-chuan ZoMeat hnenah an mamawh ang zelin, mumal takin ar an supply thin dawn a, ZoMeat hian he inremna an ziahlan angin arsa an lei reng reng, kg ah ₹190 in an leisak ang a, a kalna man kg ah Rs 8 an tum zel bawk ang. ZoMeat hian CWPCCL hnenah ar puahna khawl a thlawnin an hmantir anga, a enkawl zui thlengin an tum ang. ZoMeat hian arsa an leina man hi a lei atanga ni 5 chhungin CWPCCL accountah an thun tura ruahman a ni a, CWPCCL in ar vulhtute account-ah a lo thun chhawng leh dawn a ni.*

*ZoMeat chuan he inremna thar hmang hian ar vulh leh arsa sawngbawlina kawngah bung thar an kai ngei an beisei tih an sawi a, ZoMeat hi kum 2024 a din niin Mizoram a sa sawngbawlina changtlung ber ni turin hma an la mek a. Modern Abattoir, MIFCO Ltd, Bungbanglaah an inbun a, an thil siamchhuah hi Mizoram mai bakah Mizoram pawh thlengin an thawnnchhuak tawh a ni.*

<><><>

## KHAWZAWL

Ni 2 awh tur Art & Culture department hnuai Exhibition & Book sale chu Khawzawl Electric Veng YMA hall-ah neih mek a ni a, nimin khan Khawzawl Bawrsap Pu K. Vanlalthiana chuan a hawng a ni

Pu K. Vanlalthiana chuan Museum, Archive Exhibition cum book sale chu a ngaihhlut thu sawiin nakin zel atana Mizote sulhnu siamtu pawimawh tak a ni tih a sawi a, kal khawm thalai te pawhin an hlawkpui ngei a beisei thu a sawi a ni.

Exhibition & Book sale-ah hian Art & Culture Department hnuai subordinate office pali - Mizoram State Museum, Mizoram State Archives, Tribal Research Institute leh Mizoram Publication board ten museum bungraw hlu taktak chi hrang hrang 90 Mizoram chung leh pawn leh India ram pawn thleng museum objects an rawn pochhuak a, Mizoram state Archives in Mizoram document pawimawh leh hlu taktak an rawn pholang baw a, Tribal Research Institute leh Mizoram Publication Board atangin lehkhabu tha leh hlu man tlawm taktak in a duh apiang lei theihin pochhuah a ni baw. Exhibition chu District hrang hrang ah kumtin neih an tum baw a ni.

<><><>

## AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

## PM IN ADNHRA

Prime Minister Narendra Modia chuan vawiinah Andhra Pradesh a tlawh dawn. PU Modia hian Kurnoola hmasawna hna hrang hrang cheng vaibelchhe 13430 hu a hawng dawn a. Heng project te hi industry, power transmission, kawngpui, relkawng, ralthuam siamchhuahna leh petroleum and natural gas lam te a ni a. Pu Modia hian Nandyal district-a Sri Bhramaramba Mallikarjun Swamy Varla Devasthanam a tlawh ang a. Srisailam-a Sree Spoorthi Kendra a tlawh baw ang.

<><><>

## IUCN CONGRESS

IUCN World Conservation Congress chu nimin khan Abu Dhabi-ah zawh fel a ni. He Congress ah hian kar khat chung khawvel nungcha rem zelte, sik leh sa chhe mek leh nungchate laka pawikhawihna chungchang ngaihtuah a ni a. Sawrkar aiawhte, NGO, ram leilung fate aiawh leh zirbingna lam research institution atangin aiawh mi 1000 chuang an kalkhawm a ni. An thurel zingah ramhnuai ramsa cheng thinte inlam vulh tura man leh zawrh titem tura hmalakte a tel a. Hetiang sumdawna avang hian kumtin ramsa maktaduai chuang an awmhmun sawnsak thin a nih thu tarlan a ni a.